

Na osnovu člana 35. Zakona o državnoj službi u Federaciji Bosne i Hercegovine („Sl. novine Federacije BiH“, br. 29/03, 23/04, 39/04, 54/04, 67/05, 8/06 i 4/12) i člana 1. Zakona o preuzimanju Zakona o državnoj službi u Federaciji BiH („Službene novine TK“, broj: 12/10 i 1/12), te Odluke o popunjavanju upražnjenih radnih mjesta u organu državne službe unapređenjem državnih službenika na više radno mjesto, broj: 02-34-387-2015 od 29.1.2015. godine, Stručna služba za poslove gradonačelnika i koordinaciju rada gradskih službi r a s p i s u j e

INTERNI OGLAS

za unapređenje državnih službenika na upražnjena radna mjesta u Službi za komunalne poslove, izgradnju i poslove mjesnih zajednica

Naziv upražnjenih radnih mjesta:

01. Viši stručni saradnik za koordinaciju rada sa javnim preduzećima u Odjeljenju za komunalne, normativno-pravne i opće poslove.....1(jedan) izvršilac
02. Viši stručni saradnik za kontrolu kvaliteta rada na izgradnji komunalne infrastrukture u Odjeljenju za izgradnju.....1(jedan) izvršilac.

Opis poslova:

Pozicija 01:

- izrađuje prednacrt, nacrt i prijedloge propisa i općih akata koje donosi Gradsko vijeće iz oblasti komunalnih djelatnosti, kao i o pitanjima od značaja za rad mjesnih zajednica,
- daje stručna mišljenja o prednacrtima, nacrtima i prijedlozima zakona i drugih općih propisa iz nadležnosti Kantona i Federacije, a koja se odnose na komunalnu djelatnost,
- izrađuje i kontroliše izradu pojedinačnih akata iz nadležnosti službe,
- obavlja i druge pravne poslove iz oblasti rada službe i informiše odgovarajuće organe o stanju i problematici, te predlaže odgovarajuća rješenja radi poboljšanja i unapređenja rada službe,
- obavlja i druge poslove po nalogu pomoćnika gradonačelnika i neposrednog rukovodioca.

Pozicija 02:

- priprema prijedlog investicionog programa izgradnje, rekonstrukcije i održavanja objekata i uređaja komunalne infrastrukture,
- ostvaruje saradnju sa komunalnim preduzećima i drugim subjektima iz oblasti komunalnih djelatnosti radi unapređenja sistema objekata i uređaja komunalne infrastrukture,
- vrši izradu tenderske dokumentacije po javnom pozivu i javnom oglašavanju u oblasti komunalne infrastrukture,
- radi na tehničkoj pripremi projekata u dijelu koji se odnosi na izgradnju, investiciono održavanje i rekonstrukciju objekata i uređaja komunalne infrastrukture,
- obavlja i druge poslove po nalogu pomoćnika gradonačelnika i neposrednog rukovodioca.

Posebni uslovi za obavljanje poslova radnog mjesta:

Pored općih uslova iz odredbe člana 25. Zakona o državnoj službi u Federaciji BiH, kandidati trebaju ispunjavati i slijedeće posebne uslove:

Za poziciju 01:

- VSS/VII stepen stručne spreme ili visoko obrazovanje prvog, drugog ili trećeg ciklusa bolonjskog sistema studiranja koji se vrednuje sa najmanje 240 ECTS bodova – pravne struke,
- položen stručni ispit,
- najmanje 2 godine radnog staža u struci nakon završene visoke stručne spreme.

Za poziciju 02:

- VSS/VII stepen stručne spreme ili visoko obrazovanje prvog, drugog ili trećeg ciklusa bolonjskog sistema studiranja koji se vrednuje sa najmanje 240 ECTS bodova – tehničkog smjera,
- položen stručni ispit,
- najmanje 2 godine radnog staža u struci nakon završene visoke stručne spreme.

Rok trajanja Internog oglasa i adresa za podnošenje prijave:

Interni oglas ostaje otvoren 7 (sedam) dana od dana objavljivanja na oglasnoj tabli Grada Tuzle i web stranici Grada Tuzle.

Krajnji rok za podnošenja prijava je **6.2.2015. godine**.

Prijava na Oglas podnosi se isključivo na posebnom obrascu koji se može dobiti u Stručnoj službi za poslove gradonačelnika i koordinaciju rada gradskih službi, kancelarija br. 233.

Prijavu u zatvorenoj koverti podnijeti putem pisarnice Grada Tuzla, sa naznakom:

**GRAD TUZLA – Stručna služba za poslove gradonačelnika i koordinaciju rada gradskih službi
-„Komisija za provođenje Internog oglasa za unapređenje državnih službenika na upražnjena
radna mjesta u Službi za komunalne poslove, izgradnju i poslove mjesnih zajednica
– ne otvaraj“.**

Nepotpune i neblagovremene prijave neće bit uzete u razmatranje.

NAPOMENA: Pravo prijavljivanja na Interni oglas imaju samo državni službenici koji su već uposleni u Gradu Tuzli.